

《佛說觀無量壽佛經》 補充講表

◎附表二十：

※自性清淨法身（性德法身） ↓ 離垢妙極法身（修德法身）

六即佛者：一、理即佛。二、名字即佛。三、觀行即佛。四、相似即佛。五、分證即佛。六、究竟即佛。此乃對治眾生自甘墮落，及妄自尊大之病根。又如名字比丘、名字無我或名字一心不亂等。

○想彼佛者，先當想像；閉目、開目，見一寶像，如閻浮檀金色，坐彼華上。

《大乘止觀法門》·歷事指點云：「又若能想作一佛，身相嚴好；乃至能得想作無量諸佛。一一佛前，

皆見己身供養、禮拜者，亦是現前供養。何以故？以是心作佛，是心是佛故。」

《大乘止觀述記》云：「假想對實事言，謂並無佛像，心中想作一佛；亦未禮拜，心中想作禮拜等也。

此假想觀道理，下釋疑中詳言之，極為精妙。其行法之善巧，尤便行者；因凡夫所想，無非攀緣名利，起貪瞋痴。若不能六時行道者，於正課外，修假想觀，可除妄想。」

○此想成時，佛菩薩像皆放光明，其光金色，照諸寶樹。一一樹下，亦有三蓮華；……徧滿彼國。

《觀經四帖疏》卷三云：「從此想成時，下至徧滿彼國已來，正明結成上多身觀，生後說法相。此明

諸行者等，行住坐臥，常緣彼國一切寶樹、一切寶樓、華、池等。若禮念，若觀想，常作此解也。」

○出定入定，恆聞妙法。行者所聞，出定之時，憶持不捨，令與修多羅合。

《佛遺教經》云：「汝等比丘，求善知識，求善護助，無如不忘念。若有不忘念者，諸煩惱賊則不能

入。是故汝等，常當攝念在心。若失念者，則失諸功德。若念力堅強，雖入五欲賊中，不為所害；譬如著鎧入陣，則無所畏，是名不忘念。」（不忘念功德）

○眉間白毫，右旋宛轉，如五須彌山。

※為如來三十二相之一。世尊在兩眉之間有柔軟細澤之白毫，引之則長一尋（或謂初生時長五尺，成道時長一丈五尺），放之則右旋宛轉，猶如旋螺，鮮白光淨，一似真珠，如日之正中，能放光明，稱為白毫光。（糅合佛光大辭典）

釋迦應身佛，眉間白毫八稜中空，白如珂雪，長一丈五尺，右旋周圍五寸。（興慈大師《二課合解》）
佛眼如四大海水，清白分明。

《觀無量壽經義疏》云：「一大海，八萬四千由旬。四大海，共三十三萬六千由旬。」

○一一好中，復有八萬四千光明；一一光明，徧照十方世界念佛眾生，攝取不捨。

《觀無量壽經義疏》云：「問：不念佛人，佛光攝否？」

答：念與不念，光無不攝。但念佛者，與光相應，攝取往生，定無退墮。智論云：【譬如魚子，母若不念，子則爛壞。】楞嚴所謂【佛念眾生，如母憶子】。但子於母，有憶不憶耳。又如盲人在日輪下，日無不照，盲者不見。不念佛人，亦復如是。」

○見此事者，即見十方一切諸佛。以見諸佛故，名念佛三昧。

《觀無量壽經義疏》云：「見多佛者，法身體同。念佛三昧，從此得名。」

○以觀佛身故，亦見佛心。佛心者，大慈悲是。以無緣慈，攝諸眾生。

※「先舉觀身，全悲心應現，故云觀身見心。一、生緣慈：緣一切眾生，如父母六親；二、法緣慈：緣一切諸法，皆從因緣生；三、無緣慈：不住法相及眾生相。佛心無形，依性德顯，故云大慈悲是。運同體慈，度諸眾生，而亦不取眾生相，亦不限劫數，故云無緣慈攝眾生。」（糅合續

法大師《觀無量壽經直疏》）

○見眉間白毫相者，八萬四千相好，自然當現。

《觀無量壽經義疏》云：「多相自具者，眉毫一相，總諸相故。若據經文，即觀五須彌量。故云【八萬四千相好，自然當現】，即知非丈六眉毫。」

《觀佛三昧海經》云：「佛告父王，如來有無量相好，一一相中八萬四千諸小相好，如是相好不及白毫少分功德。是故今日為於來世諸惡眾生，說白毫相大慧光明消惡觀法。若有邪見極重惡人，聞此觀法具足相貌，生瞋恨心，無有是處。縱使生瞋，白毫相光亦復覆護。暫聞是語，除三劫罪，後身生處，生諸佛前。」